

1251-1251- OFP - Acta Capitulum Generalium Methis Celebrati

In nomine patris et filii et spiritus sancti. Amen

Hec sunt acta capituli generalis Methis
celebrati anno Domini · M° · CC° · LI° ·

Confirmamus hanc constitutionem. ubi dicitur. librum autem istum quem. etc. Et hec habet tria capitula.

Item hanc. Quando dicitur. In omni oracione. quando nomen beate virginis. etc. Et hec habet tria capitula.

Item hanc. Ubi dicitur. Sic faciant ad omnes horas. etc. Et hec habet tria capitula. Item hanc. De capitulo de cibo. ubi dicitur. pul-menta nostra. etc. Et hec habet tria capitula. Item hanc. In capitulo de vestitu. ubi dicitur. pelliceis. etc. Et hec habet tria capitula. Item hanc. In capitulo de silencio. ubi dicitur. breviter etc. Et hec habet tria capitula.

Item hanc. In capitulo de recipiendis. ubi dicitur. nullus recipiatur in fratrem clericum etc. Et hec habet tria capitula.

Item hanc. In capitulo de levi culpa. ubi dicitur. clamatus vel proclamatus etc. Et hec habet tria capitula.

Item hanc. In capitulo de gravi culpa. ubi dicitur. eodem modo. etc. Et hec habet tria capitula.

Item hanc. In electione magistri. ubi dicitur. mortuo magistro. etc. Et hec habet tria capitula.

Item hanc. In eodem capitulo. ubi dicitur. donec in parte altera. etc. Et hec habet tria capitula.

Item hanc. In capitulo de studentibus. in fine dicatur sic. libri ordinis etc. Et hec habet tria capitula.

Item hanc. In capitulo · i · de capitulo provinciali. ubi dicitur. priorem loci. etc. Et hec habet tria capitula.

Item hanc. In eodem capitulo. ubi dicitur. cum singulis sociis. etc. Et hec habet tria capitula.

Item hanc. In capitulo de electione diffinitorum. ubi dicitur. aliquos de magis ydoneis. etc. Et hec habet tria capitula.

Item hanc. In capitulo de predicatoribus. illud quod dicitur a principio. etc. Et hec habet tria capitula.

Item hanc. In eodem capitulo. ubi subiungitur. statuimus quod nullus. etc. Et hec habet tria capitula.

Item hanc. In capitulo de conversis. ubi dicitur. psalteria. etc. Et hec habet tria capitula.

Item hanc. In capitulo de electione prioris conventualis. post illud. nisi prior provincialis. Et hec habet tria capitula.

Approbaciones.

Approbamus hanc constitutionem. in fine capituli de electione prioris provincialis. addatur et dicatur sic. item prior provincialis. etc. Et hec habet duo capitula.

Item hanc. In capitulo de recipiendis. ab illo loco ubi dicitur. probacionis vero. etc. Et hec habet duo capitula.

Item hanc. In capitulo de capitulo generali. ubi dicitur. priori provinciali. etc. Et hec habet duo capitula.

Item hanc. In capitulo De itinerantibus. ubi dicitur. nec accipient. etc. Et hec habet duo capitula.

Inchoamus hanc constitutionem. In capitulo de officio ecclesie. in fine addatur. osculum in missis non detur nisi ministro qui (det) secularibus. tam in privatis quam in conventualibus missis poterit exhibere.

Item hanc. quod festum beate Katherine fiat festum semiduplex et cum hystoria propria celebretur. Quod in festo beate Magdalene. fiat memoria de beata Martha. Et quod festum · xi · millium virginum fiat festum · ix · lectionum.

Item hanc. In capitulo de rasura. ubi dicitur. sexta in pentecoste etc. deleatur totum usque in finem et dicatur sic. sexta in · xva · (!) pasce. septima in dominica ante ascensionem · viii · in pentecoste. nona inter penthecosten et festum Iohannis Baptiste. quod tamen si inter penthecosten et festum Iohannis Baptiste plus quam · iv · septimane fuerint. alia que est ibi equaliter partito tempore celebretur poterit autem propter prolixitatem temporis aliquibus diebus anticipari [ra-sura ita ut · xa ·] ad festum apostolorum Petri et Pauli transferatur. · xia · pridie idus iulii · xiiia · pridie kalendas augusti · xiiia · in assumptione beate virginis · xiva · in nativitate eiusdem · xva · in festo Michaelis · xvii · in festo · xi · millium virginum · xviiia · in festo beati Martini · xviii · in festo sancti Andree.

Item inchoamus hanc. In capitulo de gravi culpa. in fine addatur. si quis autem in capitulo proclamaverit de gravi culpa et proclamatus negaverit ac clamans in probacione defecerit. pena[m] sustineat talionis. verumtamen ne vicia occultentur. denunciare prelado suo que viderit vel audierit. teneatur.

Item hanc. In capitulo de domibus concedendis. in fine addatur. Statuatur semper aliquis frater clericus vel conversus maturus. discretus et securus qui sit portarius et diligenter que ad officium portarii pertinent exequatur. Poterit autem aliquem fratrem vel secularem honeste conversacionis habere in adiutorium cum necessitas hoc requiret.

Item inchoamus hanc. In capitulo de capitulo generali. ubi dicitur. seorsum corrigant et emendent. addatur. qui coram ipsis humiliter se prosternens veniam faciat. et stans de suis excessibus se accuset. et diffinitores audiant accusantes.

Item hanc. In capitulo de electione prioris provincialis. ubi dicitur. statuimus autem ut prior provincialis. etc. removeatur. prior provincialis. et dicatur sic. statuimus ut electum in priorem provincialem. etc.

Item. In eodem capitulo. ubi dicitur. poterit nichilominus eum magister ordinis confirmare. addatur. quod si ordo magistro caruerit. unus de vicinis prioribus provincialibus quem vicarius provincialis duxerit eligendum. confirmandi eundem electum plenam ha-beat potestatem. Si vero eundem vicarium in provincialem eligi contigerit. prior qui prius habitum nostri ordinis assumpsit. [et] domui de qua assumptus est vicarius. vicinior extiterit; pefatam in eligendo ha-beat potestatem.

Item hanc. In capitulo de solempni celebratione capituli. in principio. ubi dicitur. cum autem in · iva · feria post pentecosten fratres in capitulum. etc. deleatur in · iv · feria et dicatur sic. Cum autem in die pentecosten fratres in capitulum. etc. usque ad illum locum. ea vero que de generali capitulo dicta sunt. deleatur totum usque in finem eiusdem capituli.

Item. In eodem capitulo. ubi dicitur. et si accusent de auditu vel visu. addatur. accusacio unius tantum ad capitulum generale vel provinciale non mittatur. et tractatus actionum prior conventualis infra unum diem vel duos ad plus terminetur (!).

Item hanc. In capitulo de predicatoribus. ubi dicitur. Nullus fiat predicator generalis. addatur. nisi per capitulum generale. vel per priorem provincialem cum diffinitoribus capituli provincialis. et antequam etc.

Item hanc. In capitulo de conversis. ubi dicitur. non sint alba. sicut et tunice. admoveatur et dicatur sic. que sint eiusdem coloris. sicut et cape clericorum.

Item hanc. In constitutionibus. ubi dicitur. depositarii tamen esse possunt. addatur. in quolibet conventu instituantur tres ydonei fratres. per conventum vel per maiorem partem conventus qui diligenter deposita custodiant sub tribus clavibus a tribus predictis servandis. quas nunquam unus teneat. et cum testimonio fratrum ipsa deposita recipiant et reddant. nec deposita sigillata recipiant. nisi prius videant. quid sub sigillo contineatur. nisi essent persone cognite et approbate. Iidem autem depositarii. sigillum conventus in deposito custodiant. et nemini tradant. nisi cum consensu conventus vel maioris partis.

Monemus; quod moniciones tam generalium quam provincialium capitulorum diligentius observentur. et si minus servate fuerint. per visitatores severius corrigantur.

Item. Monemus priores provinciales. quod propter innocencie conservacionem. et bone vite informacionem. faciant predicari verbum dei pueris in scolis et eorum confessiones audiri. si voluerint confiteri.

Item. Quod priores non sint faciles ad dispensandum in ieiuniis ordinis. et dum prior ipse presens in domo extiterit; super eis subpriori non conferat potestatem dispensandi. Sane si aliqui propter iuventutem. vel debilitatem duplici refectione indigent. illi mane¹ obtenta licencia. et in secunda mensa² comedant. propter dissolutionem nocturnam³. que ob cenas serotinas consuevit contingere; evitandam.

Item. Quod fratres in locione pedum honeste se habeant. nec supra genua se discooperiant. nec lavari supra genua ab aliis se permittant.

Item. Quod fratres nostri medici. curam aliorum infirmorum quam fratrum nostrorum non suscipiant. et quod fratres conversi ordinis nostri. de iudicandis pulsibus et urinis se nullatenus intromittant.

Item. Quod priores solliciti sint dare beguinis confessores certos. discretos et maturos. et determinent tempus nec nimis rarum nec nimis frequens. vacandi earum confessionibus.

Item. Monemus quod tales mittantur ad loca pro generali studio deputata; qui sint maturi in moribus et habiles ad studendum.

Item. Quod in quolibet conventu certus corrector lectionis in mensa ponatur. qui ut melius corrigere valeat. ea que legenda sunt; diligenter studeat providere.

Item. Quod caveant fratres clerici. et conversi. ne referant fratribus in domo. sediciones civitatum vel pericula bellorum vel guerrarum. que viderint vel audierint extra claustrum. vel alia que animos fratrum audiencium. ad contenciones vel disputaciones inutiles; valeant concitare.

Absolvimus priorem provincialem Terre sancte. Ei iniungimus ei tres dies in pane et aqua · iii · psalteria · iii · disciplinas et · iii · missas. Rupel[ensem] et iniungimus ei · v · dies in pane et aqua · v · psalmos · v · missas pro excessibus in domo sua commissis. et insufficienter correctis. Et quia contra admoniciones capituli precedentis in ecclesia fratrum sepulturas admisit. et omnibus qui predictis sepulturis assensum expressum [prebuerunt] · i · diem in pane et aqua et · i · disciplinam.

Item. Absolvimus priorem de monte Dynan. ut in officio lectoris occupetur Lugduni. Et volumus quod omnes priores absoluti per totum annum [post] pre-sens capitulum. a prioratus officio quiescere permittantur.

¹ Quo ritu tale ientaculum (mixtum novitiorum alias dictum) haberi consueverit docet Libellus, seu Tractatus de Instructione Novitiorum, in appendice Ope-rum v. Humberti de Vita regulari, ed. BERTHIER tom. 2, pag. 538, cap. 10.

² In refectoriis Praedicatorum, loco proprio, mensa quaedam novitiis aliisque fratribus sterneretur, qui-bus mane post primam aut. post capitulum ieiunia solvere liceret: secunda mensa ideo dicta, quod ei etiam in unum assidere soliti sint, qui commune prandium participare non potuissent. Qua de re cf. Hum-bert. ibid. pag. 291 et pag. 296.

³ Dissolutionem intellige colloquia vana, risum effusioem aliaque id genus a regularis viri gravitate absona. Ea voce saepius utitur Humbertus.

Item. Correctiones cellarum in Lugdunensi domo diffinitoribus capituli generalis Provincie et Romane provincie vel uni eorum si alter defuerit. duximus committendum. Ad cuius correctionis formam. prior Lu[gdunensis] scilicet. cellas domus sue circa festum beati Dominici corrigere teneatur.

Item. Iniungimus priori provinciali Theotonie. quod de consilio diffinitorum capituli generalis vel provincialis faciat subvenire domui Coloniensi ab aliis provincie sue domibus. ne studium generale ibi positum propter inopiam domus impediri contingat.

Item. Iniungimus provinciali Francie et diffinitoribus capituli provincialis presentis. quod in · xv · fratribus de provincia Francie ydoneis et honestis provideant Terre sancte. inter quos sint duo lectores. Et eodem modo iniungimus prioribus et diffinitoribus capitulorum provincialium proximorum instancium scilicet Anglie. Theotonie et Lombardie. quod de qualibet dictarum provinciarum in · v · fratribus ydoneis et honestis provideant Terre sancte. et mittant eos infra annum instantem.

Item. Officium diurnum et nocturnum secundum ultimam correpcionem ab omnibus recipiatur. et unum exemplar Parisius. aliud Bononie reponatur. et secundum eorum formam omnes libri ordinis scribantur vel corrigantur.

Concedimus provincie Provincie duas domos. Francie unam. Ungarie · i · ad petitionem regine.

Capitulum sequens Bononie celebrabitur.